

ERMIRA JORGO

8SH-32  
G76

Novela



8 SH-32  
G 76

ERMIRA JORGO

Hedjekovë  
MARTINA KODRA

NATA E DYTË E NUKTENIT

# Nata e dytë

novela



SHTËPIA BOTUESE «NAIM FRASHERI»

## NATA E DYTË E NURTENIT

Gani Dana vdiq muajin e dytël të dhëndërisë. Shkonte në qytet, te xhaxhai i tij, Kasemi, hipur mbi kalin e bardhë e i veshur me rroba të reja. Të dielën do të venin bashkë në panairin e bagëtisë që bëhej në sheshin e pazari.

Gratë në kësoll thanë se djalin e kishim marrë më sysh aq i bukur dukej majë kalit, si një trim përrallash. Shkontakte rrugës së fshatit ngadalë, duke vështruar rrotull e duke u folur njerëzve. Xhexheja, që e kishte shtëpinë rrëzë kodrës, tha se vështronte me mall edhe gurët e xhadesë, sikur e dinte që e kishte për të fundit herë. Kali trokiste potkonjtë në kalldrëm, ecte rëndë që të shëtiste të zotin. Kur arriten në urë, kali qëndroi, nguli këmbët dhe zuri të rrotullohej duke zgjatur qafën pas sikur kërkonte të hante bishtin e vet. Ganiu e kroi në zverk dhe i foli me të butë. Kali u bind dhe eci ngadalë mbi urë duke i hedhur këmbët me frikë. Pastaj papritur qëndroi sisi goditur nga rrufeja, u ngrit arithi dhe lëshoi një hingëllimë si vajtim. Ganiu u plas në shesh pa frymë, me kurrizin të thyer.

Në fshat zia u bë e rëndë. Plakat e qanë djalin me ligje, burrat folën për Bariun, babanë e djalit, njeri trim e esnaf, që qe vrarë në Luftën e Vlorës dhe kishte lënë të birin jetim pesë vjeç dhe nusen të ve njëzet e dy vjeçë. Nëna e Ganiut, Refoja, që e kishte rritur djalin me thonjtë e saj, ulëriu tri ditë rresht, duke ulur shallim e zi në fund, të këmbëye e duke zgjatur qafën sikur kérkonte ta këpuste. Thoshte se bota u err e dielli u shua. Qante edhe për nusen e re, që u nxi e u bë korb. Gratë e mbanin nga krahët e i férkonin duart. Nëna u fishk e u tha, s'il t'ia kishte shkulur njeri jetën nga trupi me dorë.

Ditën e tretë shkoi në varreza me nusen, rregulloi varrin e djalit dhe mbolli trëndafila, duke ia shkërmioqur dheun me gishterinj. Pastaj u shklye në shtëpi me shallin e zi të ulur mbi sy. Ditët e tjera qau çdo pasdreke, në të perënduar, që të shkarkonte shpirtin, duke folur me zë të ulët.

Kur qante plaka, nusja i rrinte karshi, e ulur në gjunjë, dhe derdhte lotët ujë, me grushtet mbledhur në prehër dhe supet të rënduara përpara, pa zë. Mbës qanë ashtu me javë, pranë njëra-tjetrës, derisa plaka më në fund qëndroi të merrte frymë dhe ngriti sytë të shikonte nusen. I theri derisa në kockë. Nusja po tretej, me lotët e mbledhur në mjekër, që i pikoni në prehër. S'ia kishte dëgjuar zërin që kur kishte vdekur Ganiu.

Nëna fshiu sytë me grusht dhe lëvizi nga vendi.

— Nuitén!... — foli me zërin e shuar.

Nusja nuk lëvizi dhe vazhdoi të qante heshtur. Dukej e bardhë, e ngrirë dhe vetëm lotët, që i rrrokulliseshin pa pushim nga sytë e hapur, tregonin që ishte në jetë. Si një nuse guri.

Plaka ë tremb.

— Nurten.... — ia mori dorën dhe ia ferkoi.

— Urdho...

— Ti do të shkosh në shtëpinë tënde!

Nusja e vështroi me çudi, me sytë e mëdhenj si të foshnjës.

— Pse, moj nënë? Ç'kam lërë?

— Do të kthehesh te babai...

Nusja uli kokën mbi gjoks,

— Unë... nuk kthehem...

— Do shkojmë bashkë, nesër.

— Jo... unë këtu e kam shtëpinë. — Nuses iu drodh mjekra dhe nuk foli më. Nëna i kishte vdekur nga «karqinua», duke e lënë jetime që dhjetë vjeçë dhe i ati që martuar prapë. Plaka solli ndër mend ata tre fëmijët e vegjël e të dobët që gëzonin në dasmë. Ajo i mbajti dorën dhe ngrohtësia e nuses i kaloi në deje. Ndjeu gëzim në shpirt që nusja do të rrinte më të.

Nëna u ul në gurin te dera e shtëpisë dhe priti perëndimin. Qenë mbushur tre muaj që kur kishte vdekur Ganiu dhe ajo nuk qante më pasditeve. Nusja pastronte oborrin me fshesë dhe

ujiste lulet. Punonte me trupin tē përkultur e fytyrën poshtë. Nëna i pa mesin e këputur tē shtrënguar me kopsën e jekut dhe vithet e rrumbullakëta nën fundin e hollë. Nurteni, do tē kishte bërë fëmijë që t'i ngjanin Ganiut.

Një tē diel kishte ardhur i ati ta merrte. Ai kishte qarë mbi vatër kur plaka i tha se vajza donte tē rrinte me tē, po dukej se kishte ikur i lehtësuar,

Nënë Refoja kujtoi dasmën e tē birit...

Krushqit e largët kishin ardhur që tē shtrunën. Tē dielën në mëngjes gjëmonte daullja duke jehuar në shpatin e malit me dëllinjë. Thanë se qe dëgjuar edhe në fshatin përtej lumit. Kur erdhi nusja e qëndroi në krah tē Ganiut, dikush i kish pëshpëritur nënës në vesh «hyri drenusha në vathë». Njerëzit lëviznin vendit tek kalonte ajo në oborr, me trupin e njomë gjithë hir, me sytë përtokë. Tani e gjitha qe një èndërr... Nënë Refoja e përgjoi nusen tre muaj, duke i vështruar barkun fshehurazi. Ishte një bark i she-shtë, sic e kanë çupat. Dukej se emri i shtëpisë së saj do tē shuhej.

Nëna ngrihti sytë lart. Dielli ishte i kuq sa një tepsi, po qelli kishte ngjyrën e hirit. Ishte një diell që nuk skuqte.

Kali vinte rrotull në haurin në rrëzë tē oborrit. Plaka e pa përmes dërrasave tē mangëta. Nusja hyri në haur, i afroi barin dhe zuri ta kripte avash, duke e çikur në ballë. Kafsha vështronëtë në boshllëk, me sytë e hapët tē butë; ku ndihej një trishtim pa mendim. Dukej sikur diçka kuptonte nga ajo që kishte bërë. Nusja e fërkoi me pëllëmbë, i foli nën zë dhe kafsha ul-

te kokën si tē bindej. Që tē dy kishin humbur tē zotin.

Nëna lëvizi vendit. Ndonjë ditë do t'i ndahej zemra më dysh. Ndjeu ftohtë në kurri e në majat e gishterinje. Stiva e druve në oborr kishte vajtur në fund dhe çatia kishte filluar tē pikonte. Do t'i thoshte Kasemit, kunatit, t'i gjente ndonjë djalë në qytet, t'i bënte punët e dimrit e t'i ndreqte shtëpinë.

Plaka trazoi zjarrin me mashë. Xixat u hapën me një kërcitje tē lehtë dhe u shuan. Deshi tē ngrihej tē merrte dru, po nuk lëvizi. I qe tharë shpirti dhe skishte zjarr që e ngrohte më.

U hap dera e drunjtë dhe rrezet e diellit ranë në murin karshi si nga një burim i fuqishëm drite. Hyri ngadalë një plak me trup tē paktë e tē drejtë, i pastër e i gëzuar, me xhaketë tē murrme dhe këmishë tē bardhë, tē kopsitur deri në grykë. Mbrapa tij vinte një djalë trupmadh, babaxhan, njëzet e pesë vjeç, me një triko tē vjetër e pantallona me arna. Plaku kishte thirrur në oborr.

Ajo u ngrit duke u mbajtur pas murit.

— Hajde, Kasem, ku e kisha mendjen?

Plaku e përqafoi ashtu siç përqafojnë pleqtë, duke mbajtur trupin e paktë larg e duke i mbështetur kokën në ballë. Pastaj u ul, vuri festen mbi shilte dhe i tregoi vendin djalit.

— Si ia shpie, — tha ai duke e parë nënën me mallëngjim,

— Si e nxirosur, — ajotundi kokën që të tregonte se çdo gjë kishte marrë fund dhe u ngrit se e mbytën plotët. Mbushi xhevzen me ujë dhe i gjeti vendin në prush.

— Kuh ke nusën?

— Pastron në odà.

Kasemi mbushi llullën me duhan, e ngjeshi me gisht dhe e ndezi me thëngjill, duke e thithur me faqet gropë.

Plaka trazoi kafen avash dhe e zbrazi në filxhanët e baltës duke e ndarë barabar çikacika.

— Ky është Aliu, djali i tretë i Ziverit, — tha plaku, duke e vështruar djalin me gëzim.

— Embaj mend, — tha i Refoja, — kur vdiq i ziu Ziver, ky ishte një pëllëmbë. Si jeni mor bir? Nëna mbahet?

— Mbahet, — tha djali.

Ai rrinte këmbëkryq, me bërrylat imbiçgjuni, dhe shihteglulet në qilimin e bivjetër. Pastaj ngriti sytë imbiçplakun, me një nënqeshje të ciltën, me rrudhativnë ballë.

— Eshtë usta i mirë, — tha i shkuari Ziverit, — në zanat, — ka në gjaku duke. Punoi nja tre muaj kur ndreqën dyshemetë e bashkisë, pastaj e hodhën në rrugë. Ku të dalë puna. Mbajeni ca t'ju ndreqë çatinë, — t'ju bëjë edhe dru përdimër, — tha Kasemi, duke e parë djalin, — në sy.

Djali i shëndetshëm e infortë, mëzit qëndronte ulur, protullonte sytë, në tavancë në mu-

re sikur donte tē shihte nga tē fillonte punë.

Një copë herë ndenjën pa folur, Filxhanët e kafes i kishin zbruzur prej kohe. Ishte herët tē çohej Kasemi, por edhe më gjatë nuk mund tē rrinte. Plaka donte tē mbetej vetëm.

Nusja rrinte në këmbë në mes tē dhomës, me flokët lëshuar dhe shihte nga dritarja. Pastaj ajo u ul në gjunjë dhe zuri tē krihej ngadalë, duke vaisur kokën. Hodhi flokët pas me një lëvizje tē shpejtë dhe vetulla iu duk më e zezë dhe buza e kuqe gjak. Ajo nuse ishte si një zjarr që digjej ngadalë. Plaka e shihte nga dera gjysmë e hapur.

Nusja u kthyte dhe qëndroi buzë shtratit e ulur në gjunjë dhe nuk lëvizi më, e qetë, e harruar, me një dritë tē fshehtë në sytë e errët, sikur rronte një jetë tjetër. Nuk kishte trishtim në sytë e saj, vetëm mall. Plaka e kishte parë edhe ditë tē tjera tē mbaronte punë shpejt në-për shtëpi e tē shkonte tē mbyllej në dhomë me orë. Jetonte një èndërr, një èndërr që do ta vazhdonte ditën tjetër dhe tjetrën prapë.

Nëna zbriti shkallët avash, duke u mbajtur me një dorë pas parmakut dhe ndjeu dhimbje në gjunjë. Pastaj dhimbja i kaloi në gjithë trupin si një valë e hidhur. Kishte dashur ta merrte nusen në dhomën e vet, tē flinin bashkë. Mbës trembej në atë shtrat tē madh vetëm. Ajo qëndroi befas. Do tē bënte atë që s'e kishte

bërë njeri, mbasë njëqind vjet e këtej. Do ta martonte nuseën prapë.

Refoja zbriti në oborr. Aliu mundohej të ndreqte dërrasat e haurit. Ai kishte punuar një javë në shtëpi. Dukej kudo dora e tij. Ajo e vështroi me sytë e rrudhur. Ishte trupmadh e vinte ca si avdall. Nuk qe si Ganiu. Ganiu i saj kishte qenë yll, jo djalë. Po Refos i pëlgente Aliu kur qeshte, duke rrudhur ballin e gjéré. Ishte i urtë dhe, kur punonte, nuk shihte tjetër vëç asaj që kishte në duar. I dridheshin duart kur merrte ndonjë gjë prej Nurtenit. Nusja nuk e shihte fare, mbasë s'ë kishte parë asnijëherë në fytyrë. Rronte në një botë tjetër.

— Ali, — foli plaka.

Ai u kthye dhe i qeshi me sytë bojë qelli.

— Urdherë, nënë Refo!

— Do shkosh nësër?

Djali ngriti supet.

— Po të mos kesh punë tjetër ti, nëno, do shkoj.

— Jo, xhan, s'kam. — Ajo u ul në gur. — Desha të na vije prapë.

— Vëj, posa s'yj, — tha djali me gjësim dhe u skuq. Ai u kthye që të fshihte turbullimin dhe zuri t'i binte dërrasës fort me sqepar.

Plakës i erdhë keq përtë. Dukej djalë i mire, e i ndershëm, nga ata që mbajnë mbi shpatulla shtëpinë. Po nuk ishte Ganiu i saj. S'mundta bënte as dhëndër, as djalë, Jo, s'ë bënte dot, pa i plasur zemra fare. Le që edhe nusja do të vente dëm. «Zot, o zot, tha plaka, ku i kisha mendtë aty më parë!»